



Kaupapa
Mīharo

Wero
Wai

Ngohe 2.2: He whatunga wai

Ka tauwhāinga koutou, ko tō rōpū, ki a koutou anō ki te hanga i tētahi whatunga wai, ā, e 500 piro te whiwhinga!

Karawhiua he kāri kōrere wai hei hanga i tō whatunga, whakapōreareahia rānei ō hoariri ki ngā kāri hapa. Engari kia tūpatō! E whai hoki ana rātou ki te whakararu i tō whatunga wai.



Kia tākaro tātou i te Whatunga Wai!



Kia 2-4 ngā kaitākaro



Ko te whāinga

Kia tū koe hei kaitākaro tuatahi ki te whakaoti i tētahi whatunga wai, e 500 piro te whiwhinga.

Hei whakariterite

Whakawhenumihia ngā kāri, ā, tohaina atu kia 6 ngā kāri ki ia tangata i tō rōpū. Whakatakotoria ngā kāri e toe ana kia tāpapa. Ko te pūkei kāri tēnei e tīkina ai ngā kāri.

Ngā tikanga tākaro

Me tiki koe i tētahi kāri kōhi wai me tētahi kāri whakapai wai kia tīmata ai tō hanga i tō whatunga wai.

Kia tae ki a koe

Tīkina tētahi kāri, ka karawhiu atu ai i tētahi kāri. Mēnā kāore i te whaihua ētahi o ō kāri, whiua atu tētahi.

Me 6 rawa ngā kāri i tō ringa i te mutunga o te wāhi ki a koe.

Kia tīmata koe i tō whatunga wai, ka āhei koe ki te karawhiu:

- I tētahi **kāri kōrere wai** ki tō whatunga wai.
- I tētahi **kāri hapa** ki te whatunga wai a tō hoariri. Mā tēnei ia e aukati ki te karawhiu anō i tētahi kāri kōrere wai. Me karawhiu kē ia i tana kāri kōhi wai e whiwhi ai ia i tētahi kāri hapa.
- I tētahi **kāri PŪRAU** ki tō whatunga wai ki te whakakore i tētahi kāri hapa. Kātahi koe ka āhei ki te karawhiu tonu i tētahi kāri kōrere wai kia tae anō ki a koe.

Ki te pau ngā kāri i te pūkei kāri, whakawhenumihia ngā kāri i whiua, ka tākaro tonu ai.

Ko te toa

Kia eke tō tapeke kōrere wai ki te 500 piro pū, karawhiua tētahi kāri tiaki wai hei whakaoti i tō whatunga wai.

Kāore e āhei tō karawhiua i tētahi kāri ka whakarahi ake i ngā piro kei a koe i te 500. Me whiu kē e koe te kāri rā.

Ina karawhiua tētahi kāri hapa ki a koe i mua i tō karawhiu i tō kāri tiaki wai, me karawhiu koe i tētahi kāri PŪRAU i mua i tō karawhiu i tō kāri tiaki wai.

Ka tiaki rānei koe i te wai, ka māturu rānei te wai i tō whatunga wai? Karawhiua!